



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

42. de omnipotentia Dei.

urn:nbn:de:hbz:466:1-38840

sub scientia verò semper sunt. Præscire enim definit, cum futura desinunt esse. Neque tamè ea minus noscit quàm antè cognoscebat.

De scientia autem dicimus, quod Deus semper scit omnia quæ aliquando sciuit. omnè enim scientiã quã aliquando habet, semper habuit, & habet, & habebit. Sed opponitur: Olim sciuit mundũ creandum, & nunc non scit eum creandum. Dicendũ, quod idem scit de mundo quod ante creationem sciebat. sicut antiqui patres eundem Christũ quem nos credimus crediderunt: quanuis illis & nobis diuersis modis enũciatus sit, quia illi vt nasciturum, nos vt natum suscepimus. eandem enim rem diuersis temporibus designamus.

DE OMNIPOTENTIA DEI.

DISTINCT. Quadragesimæ secundæ
CAP. Primum.

Deus omnia potest.

Nunc de Dei Omnipotentia agendũ. qui quod omnia possit patet ex Aug. lib. Cap. 6
Quæst. Vet. & No. Test. Omnia quidem potest Deus, sed nõ facit, nisi quod cõuenit eius veritati & iustitiæ. Si dicas, possumus aliqua quæ non potest, vt ambulare, loqui, &c. Dicendũ, quod illæ actiones à Dei potentia alienæ nõ sunt, sed ad ipsum pertinet: nõ quod eas in se habeat, sed quod in creaturis eas possit operari: facit enim vt homo ambulet

&c. Non ergo per istas actiones diuinæ potentia detrahatur aliquid, & hoc potest facere omnipotens. Sunt autem aliæ actiones,

quas non habet Deus, vt peccare, mētiri, &c. quæ potentia non sunt, sed infirmitatis. Vn-

de Aug. lib. 15. de Trinit. Magna, inquit, Dei *Deus peccare nō potest.* potētia est non posse mētiri, &c. & in lib. de Symbo. Deus omnipotens non potest mori, falli, aut vinci, &c.

C A P. Secundum. *Deus dicitur omnipotens, quia omnia quæ vult facit.*

Hic ergo diligenter considerātibus omnipotentia eius secundum duo apparet, secundum quod omnia quæ vult facit, & nihil omnino patitur: sec. vtrunque enim omnipotens Deus verissimè prædicatur. quia nec aliquid est, quod ei ad patendum corruptionem inferre valeat: nec aliquid ad faciendum impedimentū adferre. Idem probatur autoritate Aug. lib. de Spi. & Lit. Omnipotens est, non quod possit oīa facere: sed quia potest efficere quicquid vult: ita vt nihil valeat eius voluntati resistere quin compleatur. Cum autē dicit, nō quod possit omnia, generaliter accepit oīa: vt etiā mala includeret, quæ Deus nō potest, nec vult. Non ergo intelligas negasse oīa quæ cōuenit ei posse. Similiter cum dicit August. in Enchir. Nō ob aliud veraciter vocatur omnipotens, nisi quoniā quicquid vult potest:

non negat eum posse ea etiam quæ nō vult: sed aduersus illos qui dicebant Deum multa velle quæ non poterat: affirmat eum posse quicquid vult, & ex eo verè dici omnipotentē, non ob aliud, quàm quia potest quicquid vult, scilicet ex se & per se. Sed fortè dices: Nec Dei Filius potest à se, nec Spiritus sanctus, sed solus Pater. ille enim potest à se, qui est à se, &c. Dicendum quòd licet Filius non possit à se, nec operetur à se: potest tamen & operatur per se. sic & Spiritus sanctus. Nō ergo verè & propriè dicitur Deus omnipotēs: quia per se, id est naturali potentia potest quicquid vult fieri, & quicquid vult se posse. Nihil enim vult fieri, quod non possit se facere per se vel per creaturas. Et nihil vult se posse quod non possit: & omne quod vult fieri, vult se posse: sed non omne quod vult se posse, vult fieri: si enim vellet, fieret: quum voluntati eius nihil resistere possit.

Quid omnipotens.

DE QUANTITATE
Omnipotentia Dei.

DISTINCT. Quadragesimæ quintæ.
CAP. Vnicum.

*Deus potest alia & plura facere, &
quæ facit omittere.*

Quidam de sensu suo gloriantes, Dei potentiam sub mensura coarctare